

Io non la intendo, me par de stranio che non ce possiamo prevaler di le cose nostre. Vostra signoria è savia et prudente del tutto, et farà quello iuditio che a quella parerà. Da Roma, di 22 del presente, si ha che in brieve aspettano lo imperatore, et è morto il cardinal de Cortona.

167 Da poi disnar, fo Gran Conseio, fato 3 Consieri di là da canal: di Canareio sier Vincenzo Capello fo consier; di San Marco sier Alvise Malipiero fo cao di X qu. sier Stefano procurator; di Castello sier Francesco Foscari fo savio del Conseio qu. sier Filippo procurator, et altre 6 voxe.

Fo persuaso tutti, per Bortolomio Comin segretario, fa l'oficio del Canzeliero grando, a voler imprestar cussì come venivano a capello. *Item*, quelli hanno offerito prestar vadino a portar li danari, atento il grande bisogno se ha di quelli, et cussì a pagar le so tanse.

Questi offerseno prestar hozi a Conseio.

Sier Marin di Cavalli, qu. sier Sigi-	
smondo	ducati 50
Sier Piero Morexini, qu. sier Alvise	» 100
Sier Andrea Dandolo, qu. sier Alvise	» 50
Sier Michiel Marin, qu. sier Antonio	» 50
Sier Beneto di Prioli, qu. sier Fran-	
cesco	» 100

Summa ducati 350

Di campo, vene lettere, di sier Polo Nani proveditor zeneral, da Rivolta, di 30, hore

Di Franza etiam vene lettere del Justinian et Navaier oratori nostri, da Bles, di et 24 le ultime. Coloqui haulti col re Christianissimo; il sumario di le qual scriverò qui avanti.

In questo zorno a nona *vene lettere da Chioza* del zonzer li de l'illustrissimo duca de Urbin capitano zeneral nostro, con sier Nicolò Tiepolo el dottor orator nostro, et si partiria poi disnar per qui, et a Conseio fo chiamà a la Signoria sier Mathio Zantani oficial a le Raxon vecchie, et ordinatoli se fazi la cena questa sera, el qual aloza a San Polo in la caxa da chà Corner, dove sta Bernardin Perolo fiorentin suo amicissimo, et incontra andò sier Agustin Nani di sier Polo proveditor zeneral in campo

a pregar soa excellentia volesse alozar a caxa sua, ma non volse, et cussì hozi a hore vene el dito capitano zeneral con 4 barche di Chioza.

Da Monopoli, di sier Zuan Vituri proveditor zeneral, di 21 April le ultime. Il sumario et copia di le lettere, iusta il consueto, scriverò qui avanti.

Da Trani, di sier Velor Soranzo governador, di 22

Di sier Zuan Contarini proveditor de l'armada, da Trani, di 23. Come havendo hauto lettere da Monopoli, che inimici strenzevano molto la terra, et il proveditor Vituri dimandava soccorso, havendo inteso che era stà preso mandarli un arsil et restase ancora proveditor, deliberò montar su la gallia soracomito sier Piero Pixani, et andar a Barleta a levar stara formento et stara fave, et stara orzi, et 600 fanti, et condurli in Monopoli, havendo etiam hauto da Trani, dal governor Soranzo 10 barili de polvere, et cussì quella notte se doveria partir per far questo effetto.

Di sier Alexandro da chà da Pexaro proveditor di l'armada, data a Trani, a di 21. Del suo zonzer li con la gallia del capitano del Golfo et la Justiniana et Grimana, con le polvere tolte per il capitano del Golfo a Cataro, et come va a Barleta per fanti et victuarie per condurle in Monopoli, poi anderà verso Corfù.

Summario di lettere di sier Zuan Vituri proveditor zeneral, date a di 10 April 1529, ricevute a di 2 Mazo.

Li inimici sono col campo sopra le fosse di questa terra, zoè con le loro trinzee et repari, et semo sì vicini che con le pietre nui di la terra tremo dentro le sue trinzee et lentamente se vien pur acostandosi a la fossa; et per tutti questi, che fugeno del campo, in conformità ne dicono volersi acostar fino a la via del fosso, et poi far un cavalier, et far la bataria al turion de San Roco et a la banda de le Pignate et verso la porta vecchia; et subito fatta la battaria haver un gran numero di fassine apparecchiate et butarse nel fosso per mezzo el turion de San Rocho, che è più stretto, per voler venir poi al paro a combatter con nui. A questo suo disegno si ha provisto, perchè si ha fatto far tre porte false che va nel fosso, et quanto li inimici buttasse nel fosso nui acceteremo, si che de questo non ne tenimo conto. Il